



Bou ons kinders vir môre

Godsdiensonderrig 1

Lestitel: Goddelike hulp - Die Regters en Israel se eerste Koning

'n Ouerhandleiding

Sondagskooltuisonderrig



Liewe Ouer

Welkom by die les “**Goddelike hulp - Die Regters en Israel se eerste Koning**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Goddelike hulp - Die Regters en Israel se eerste Koning
Bybelwoord	Josua 3 - 22; 1 Samuel 1 - 3; 1 Samuel 8 - 10 en 15
Lesdoelwit	Die kinders erken dat God mense uitverkies om sy eie te help.

Lesopsomming:

- Die land Kanaän is onder die twaalf stamme van Israel verdeel.
- Josef se gebied is aan sy seuns Manasse en Efraim toegewys, en die stam van Levi het in plaas van landgebied, 48 stede ontvang om in te woon en velde vir hulle beeste en skape.
- Na die dood van Josua en die hoëpriester Eleásar, het die Israeliete teen die Here begin sondig en ander gode aanbid.
- Die Here het woedend geword vir hulle en het toe toegelaat dat hul vyande hulle oorweldig en die Israeliete het hulle weer onder slawerny van buitelandse regeerders bevind.
- Elke keer as die lyding en onderdrukking vir die Israeliete ondraaglik geword het, het hulle tot God geroep om hulp.
- Toe het God hom oor hulle ontferm en 'n Regter, 'n militêre leier, gekies en hom gehelp om die Israeliete van hul vyande te red. Gedurende die leeftyd van die Regter was daar vrede in die land.
- Na die dood van die Regter het die Israeliete weer van God afgewyk en die Here sou hulle weer onder die onderdrukking van hulle vyande plaas.
- God het Regter Gideon gehelp om die magtige Midianiete met net 300 man te vernietig.
- Na 7 jaar se lyding onder die Midianiete, het hierdie oorwinning 40 jaar van vrede in Israel gebring.
- Samuel het die Israeliete volgens God se wette gelei. Toe hy te oud geword het, het hy sy twee seuns opdrag gegee om dieselfde te doen, maar hulle het hom en God se wette nie gehoorsaam nie.
- Die mense wou 'n koning hê, en ondanks Samuel se waarskuwings daarteen, het hulle nie geluister nie en 'n koning geëis.
- God het Saul as koning gekies en Samuel het hom gesalf as die koning van Israel.
- Saul was ongehoorsaam aan God deur die lewe van die koning te spaar en die beste diere as 'n offer vir God te neem, nadat hy die Amalekiete verslaan het.
- Samuel was kwaad en het vir Saul gesê dat die Here hom ook verwerp het omdat hy die woord van die Here verwerp het. Gehoorsaamheid is beter as opoffering.
- Nadat Samuel gesterf het, het die Filistyne weer oorlog gevoer teen Israel, en toe koning Saul hulle leer sien, het hy bang geword en God om raad gevra, maar God het nie geantwoord nie.
- Toe wend Saul hom in dwaasheid na 'n medium, om Samuel wat dood was te kontak.
- Samuel verskyn en bevestig dat God hom verwerp het en het geprofeteer dat Saul en sy seuns die volgende dag sou sterf.
- Die volgende dag het die Filistyne die Israeliete verslaan en die seuns van Saul is doodgemaak.
- Saul is erg gewond. Hy wou nie gevange geneem word nie, en hy het homself om die lewe gebring deur op sy eie swaard te val.



Wat beteken hierdie les vandag vir ons?

- God wou hê dat Saul en die Israeliete godvresend en gehoorsaam moes wees.
- God het altyd die Israeliete van verskillende tipes lyding gered; hy het aan hulle regters gegee wat hulle die oorwinning teen hul vyande gewaarborg het.
- Vandag help God alle mense wat in Jesus Christus glo.
- Ons moet bid vir God se hulp in ons stryd teen die bose en om getrou aan Hom te bly.
- Ons moet sy raad volg om sy hulp te ervaar.
- God praat met ons deur ons gewete, deur sekere situasies waarmee ons gekonfronteer word, deur sekere mense en deur godsdienste.
- Ons moet bid dat ons die wil van God verstaan.

Doen oefening 1 saam met u kind.

Antwoorde op Oefening 1: Uittreksel uit Gideon se dagboek

1. 7 jaar	6. nat grond, stukkie droë wol
2. produkte, skape, beeste of donkies	7. 300 mans
3. die Engel van die Here	8. trompette, leë kruike en fakkels
4. red	9. het die trompette geblaas en die kruike gebreek
5. droë, stukkie nat wol	10. 40 jaar

Sommige vrae wat ons kan vra:

1. Hoeveel stamme van Israel was daar?

Antwoord: 12 stamme

2. Watter stam het geen land ontvang nie?

Antwoord: Die stam van Levi

3. Wie het God gekies om die Israeliete van hul lyding te verlos?

Antwoord: Regters

4. Met hoeveel mans het Gideon die Midianiete verslaan?

Antwoord: 300 mans

5. Wie was die laaste regter oor die Israeliete?

Antwoord: Samuel

6. Waarom het God vir Saul en die Israeliete verwerp?

Antwoord: Hulle het nie God se wette en opdragte gevolg nie / hulle was ongehoorsaam



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen